



Llywodraeth Cymru
Welsh Government

DATGANIAD YSGRIFENEDIG GAN LYWODRAETH CYMRU

TEITL Rheoliadau Cemegion (Iechyd a Diogelwch) ac Organeddau a Addaswyd yn Enetig (Defnydd Cyfyngedig) (Diwygio etc.) (Ymadael â'r UE) 2019

DYDDIAD 24 Ionawr 2019

GAN Rebecca Evans AC, Y Gweinidog Cyllid a'r Trefnydd

Rheoliadau Cemegion (Iechyd a Diogelwch) ac Organeddau a Addaswyd yn Enetig (Defnydd Cyfyngedig) (Diwygio etc.) (Ymadael â'r UE) 2019 ("Rheoliadau 2019")

Y gyfraith sy'n cael ei diwygio

Offerynnau Ewropeaidd sy'n Uniongyrchol Gymwys

- Rheoliad (EC) Rhif 1907/2006 Senedd Ewrop a'r Cyngor dyddiedig 18 Rhagfyr 2006 ynglŷn â Chofrestru, Gwerthuso, Awdurdodi a Chyfyngu ar Gemegion (REACH);
- Rheoliad (EC) Rhif 1272/2008 Senedd Ewrop a'r Cyngor dyddiedig 16 Rhagfyr 2008 ar gategoreiddio, labelu a phacio sylweddau a chymysgeddau;
- Rheoliad y Comisiwn (EU) Rhif 544/2011 dyddiedig 10 Ebrill 2011 sy'n gweithredu Rheoliad (EC) Rhif 1107/2009 Senedd Ewrop a'r Cyngor ar y gofynion data ar gyfer sylweddau actif;
- Rheoliad y Comisiwn (EU) Rhif 545/2011 dyddiedig 10 Ebrill 2011 sy'n gweithredu Rheoliad (EC) Rhif 1107/2009 Senedd Ewrop a'r Cyngor ar y gofynion data ar gyfer cynhyrchion diogelu planhigion;
- Rheoliad y Comisiwn (EU) Rhif 547/2011 dyddiedig 8 Mehefin 2011 sy'n gweithredu Rheoliad (EC) Rhif 1107/2009 Senedd Ewrop a'r Cyngor ar y gofynion labelu ar gyfer cynhyrchion diogelu planhigion;
- Rheoliad (UE) Rhif 528/2012 Senedd Ewrop a'r Cyngor dyddiedig 22 Mai 2012 ar roi cynhyrchion bioleiddiadol ar gael ar y farchnad a'u defnyddio;
- Rheoliad (EU) Rhif 649/2012 Senedd Ewrop a'r Cyngor dyddiedig 4 Gorffennaf ar allforio a mewnfario cemegion peryglus;
- Rheoliad y Comisiwn (EU) Rhif 283/2013 dyddiedig 1 Mawrth 2013 sy'n nodi'r gofynion data ar gyfer sylweddau actif, yn unol â Rheoliad (EC) Rhif 1107/2009 Senedd Ewrop a'r Cyngor ar roi cynhyrchion diogelu planhigion ar y farchnad;
- Rheoliad y Comisiwn (EU) Rhif 284/2013 dyddiedig 1 Mawrth 2013 sy'n nodi'r gofynion data ar gyfer cynhyrchion diogelu planhigion, yn unol â Rheoliad (EC) Rhif 1107/2009 Senedd Ewrop a'r Cyngor ar roi cynhyrchion diogelu planhigion ar y farchnad;

- Rheoliad Gweithredu gan y Comisiwn (EU) Rhif 354/2013 dyddiedig 18 Ebrill 2013 ar newidiadau o ran cynhyrchion bioleiddiadol a awdurdodwyd yn unol â Rheoliad (EU) Rhif 528/2012 Senedd Ewrop a'r Cyngor;
- Rheoliad Gweithredu gan y Comisiwn (EU) Rhif 414/2013 dyddiedig 6 Mai 2013 sy'n pennu gweithdrefn ar gyfer awdurdodi'r cynhyrchion bioleiddiadol hynny yn unol â Rheoliad (EU) Rhif 528/2012 Senedd Ewrop a'r Cyngor;
- Rheoliad Gweithredu gan y Comisiwn (UE) Rhif 88/2014 dyddiedig 31 Ionawr 2014 sy'n pennu gweithdrefn ar gyfer diwygio Atodiad I i Rheoliad (EU) Rhif 528/2012 Senedd Ewrop a'r Cyngor ar roi cynhyrchion bioleiddiadol ar gael ar y farchnad a'u defnyddio;
- Rheoliad Dirprwyedig y Comisiwn (EU) Rhif 1062/2014 dyddiedig 4 Awst 2014 ar y rhaglen waith ar gyfer archwilio mewn ffordd systematig yr holl sylweddau actif sydd mewn cynhyrchion bioleiddiadol ar hyn o bryd ac y cyfeirir atynt yn Rheoliad (EU) Rhif 528/2012 Senedd Ewrop a'r Cyngor;

Deddfwriaeth annomestig arall

- Rhan 2 o Atodiad II i'r cytundeb ar yr Ardal Economaidd Ewropeaidd.

Is-ddeddfwriaeth sydd i'w chywiro

- Rheoliadau Iechyd a Diogelwch (Awdurdod Gorfodi) 1998;
- Rheoliadau Rheoli Sylweddau Peryglus i Iechyd 2002;
- Rheoliadau Sylweddau Peryglus ac Atmosfferau Ffrwydrol 2002;
- Rheoliadau Cynhyrchion Diogelu Planhigion (Ffioedd a Thaliadau) 2011;
- Rheoliadau Cemegion a Chynhyrchion Bioleiddiadol (Penodi Awdurdodau a Gorfodi) 2013;
- Rheoliadau Cemegion a Chynhyrchion Bioleiddiadol (Penodi Awdurdodau a Gorfodi) (Gogledd Iwerddon) 2013;
- Rheoliadau Organeddau a Addaswyd yn Enetig (Defnydd Cyfyngedig) 2014;
- Rheoliadau Rheoli Peryglon Damweiniau Mawr 2015;
- Rheoliadau Ffrwydron (Penodi Awdurdodau a Gorfodi) (Gogledd Iwerddon) 2015;
- Rheoliadau Cynhyrchion (Ffioedd a Thaliadau) 2015;
- Rheoliadau Organeddau a Addaswyd yn Enetig (Ffioedd a Thaliadau) (Gogledd Iwerddon) 2015;
- Rheoliadau Iechyd a Diogelwch a Niwclear (Ffioedd) 2016.

Mae'r darnau a ganlyn o gyfraith uniongyrchol yr UE a ddargedwir yn cael eu diddymu—

Rheoliad y Comisiwn (EU) Rhif 440/2010 dyddiedig 21 Mai 2010 ar y ffioedd a'r taliadau sy'n daladwy i'r Asiantaeth Gemegion Ewropeaidd yn unol â Rheoliad (EC) Rhif 1272/2008 Senedd Ewrop a'r Cyngor ar gategoreiddio, labelu a phacio sylweddau a chymysgeddau.

Unrhyw effaith y gall yr OS ei chael ar gymhwysedd deddfwriaethol y Cynulliad a/neu ar gymhwysedd gweithredol Gweinidogion Cymru

Mae cyfundrefn Gemegion y DU yn cwmpasu materion sydd wedi'u datganoli a materion a gadwyd yn ôl, oherwydd bwriedir iddi ddiogelu iechyd a diogelwch gweithwyr (mater sydd

wedi'i chadw'n ôl yng Nghymru a'r Alban) yn ogystal ag iechyd y cyhoedd a'r amgylchedd (materion sydd wedi'u datganoli). Mae rheolaeth ar fewnforio ac allforio cemegion heblaw gwrteithiau a phlaladdwyr hefyd yn faterion sydd wedi'u cadw'n ôl, ac felly hefyd gynnal profion ar anifeiliaid at ddibenion gwyddonol.

Mae darpariaeth yn yr OS hwn sy'n galluogi Gweinidogion Cymru i arfer swyddogaethau o ran Cymru yn ddilyffethair ac i Weinidogion Cymru roi cydsyniad i'r Ysgrifennydd Gwladol arfer swyddogaethau o ran Cymru. Byddai swyddogaethau a drosglwyddir i'r Ysgrifennydd Gwladol i'w harfer yn gydredol â chydsyniad Gweinidogion Cymru yn gyfystyr â swyddogaethau un o Weinidogion y Goron at ddibenion Atodlen 7B i Ddeddf Llywodraeth Cymru 2006. Mae'n bosibl, felly, bod hynny'n ystyriaeth berthnasol yng nghyd-destun cymhwysedd y Cynulliad i ddeddfu yn y meysydd hyn yn y dyfodol.

Mae swyddogaethau a drosglwyddir fel eu bod yn arferadwy gan yr Ysgrifennydd Gwladol yn unig, neu a drosglwyddir i'r Ysgrifennydd Gwladol ond sy'n arferadwy gyda chydsyniad yr Awdurdodau Datganoledig yn unig mewn perthynas â thiriogaethau datganoledig, yn swyddogaethau un o Weinidogion y Goron at ddibenion Atodlen 7B i Ddeddf Llywodraeth Cymru 2006. Pe bai'r Cynulliad yn cyflwyno Bil yn y dyfodol i geisio dileu neu addasu'r swyddogaethau hyn, gallai hynny olygu y bydd gofyn ymgynghori â Llywodraeth y DU.

Mae swyddogaethau a drosglwyddir i'r Awdurdod Gweithredol Iechyd a Diogelwch yn unig yn swyddogaethau awdurdod cyhoeddus heblaw am Awdurdod Cymreig datganoledig at ddibenion Atodlen 7B i Ddeddf Llywodraeth Cymru 2006. Mae'n bosibl, felly, bod hynny'n ystyriaeth berthnasol yng nghyd-destun cymhwysedd y Cynulliad i ddeddfu yn y meysydd hyn yn y dyfodol.

Diben y diwygiadau

Mae Rheoliadau 2019 yn gwneud yr addasiadau sydd eu hangen er mwyn parhau i gymhwyso'r rheolau presennol a nodir mewn cyfraith ar ôl i'r DU Ymadael â'r UE. Maent yn arbennig o bwysig er mwyn hwyluso cadwyni cyflenwi cemegion, sy'n hollbwysig ym maes gweithgynhyrchu ac mewn diwydiannau sy'n defnyddio cemegion, oherwydd eu bod yn nodi'r amodau y mae'n rhaid eu bodloni cyn mewnforio sylweddau a chymysgeddau cemegol i'r DU, cyn eu gweithgynhyrchu neu cyn eu rhoi ar y farchnad.

Mae'r Rheoliadau a'r Memorandwm Esboniadol cysylltiedig sy'n nodi effaith y diwygiadau i'w gweld yma: <https://beta.parliament.uk/work-packages/XnzRsY2j>

Pam y rhoddwyd cydsyniad

Rhoddwyd cydsyniad i Lywodraeth y DU wneud y cywiriadau hyn o ran, ac ar ran, Cymru am resymau'n ymwneud ag effeithlonrwydd, hwylustod ac oherwydd natur dechnegol y diwygiadau. Mae'r diwygiadau wedi cael eu hystyried yn llawn; ac nid oes unrhyw wahaniaeth o ran polisi. Diben y diwygiadau hyn yw sicrhau bod y llyfr statud yn parhau i weithio ar ôl i'r DU ymadael â'r UE.